

CANTIK

EN ENOR DA SANT MIKEL.

Diskan.

Otrou Sant Mikel benniget,
Divar ho trôn uz d'ar stered
Ni ho ped, Arc'hel dudius,
Roit d'imp eur zell trugarezuz.

1.

Dre ar bed meur a bobl cristen
O c'henz 'vit patron ha souten,
Ivez nhi, Roudoualekiz,
O beuz zavet d'oc'h eun iliz.

2.

Eun ilis coant ha kempen
Uhel var c'horre eun dorgeno
A veler a bell tro var dro
Hag a zoug ar zell d'an Envo.

3.

Pebeuz enor 'vit hor parrez !
Pebeuz boked a levenez !
Kement a beuz evidoc'h gret
E leor Doue a zo scrivet.

4.

En ho chapel da bep pardon,
Ni a bedo a wir galon,

Ni a gemmesco hor moueziou
Evit goulen ganoc'h graçou.

5.

Pa n'em revoltaz Lucifer
Enep he vestr hag he grouer,
Hen zouze, spered ourgonilluz,
Evel Doue heut gallouduz.

6.

Mes c'hui en em zavaz ractal
Da gombatti euz an El-fall:
« Piou, eme-hu, a zo henvel
• « Euz Doue hor mestr eternel ? »

7.

Euz Satan hag euz he Eled
Dizamant c'hui o poa stourmet,
Ha gant nerz Doue en ho prec'h
O poa varnezho bet an trec'h.

8.

Iucif'r enebour Doue,
A zo hon adversour ive,
Dre finessou ha dre gounar
Hen glase an tu dont d'hon discar.

9.

En dro d'imp hen a rod bepred
Evel eul leoun arrajet,
O Sant Mikel, roit d'imp zicour
'Vit n'em zioual euz an traitour.

40.

Dre ho calloud, keit ma vevimp,
 Grit, ni ho ped, grit ma torrimp
 Ieo mezuz ar sperejou-fall
 Ha ma vimp miret diouz pep goal.

41.

Evidomp, tud divar ar mez,
 Ema caled hent ar vuez,
 Mes na zoujimp poan na drevel
 Mar hor c'honfortit, Sant Mikel.

42.

Lugern a rit e lein an env,
 Prinz euz elec an Doue crenv
 Hag ho carg eo rei d'imp ato
 Aberz Doue madobero.

43.

Pa zigouezomp bugaligou
 Er bed-ma, traonien an daëlou,
 Kerkent c'hui zigass d'imp Elez
 Leun evidomp a vadelez.

44.

Eled-mad prest ato da rèn
 Hor paziou en denvalijen
 Ha da ellum n'hon eneou
 An tan-flamm euz ar vertuziou.

45.

Nag a glanyourien ankeniet
 Bep bloaz ganoc'h vê diboaniet ?
 Da gement ho ped gant fianz
 C'hui ro bepret ar pareanz.

46.

Varnomp oll euz pep ker, pep ty
 Zo deut el lec'h-man d'ho pedi,
 Hirio scuillet ho penoziou
 Ken stank ha gliz var hor parcou.

47.

Patron oc'h ive da vro Franz !
 Oh ! pellaît diouthi pep troublanz
 Ma vo c'hoaz hor bro-n'hi, Franciz
 Zoudard Doue bag an Iliz.

48.

Ha pa renkimp eun deiz mervel,
 Renit ac'hanomp, Sant Mikel.
 Var an hent eùn d'ar baradoz
 Da renta d'oc'h gras ha bennoz.

Amen.

Imprimatur :

Imprimatur : **J. Jégou**, vic. gen.

Le Guyader, vic. gen. *Corisopit.*

Vannes, le 24 décembre 1877.